



მიდის ზარმაცად თავჩაღუნული,  
 მწარე ფიქრებით გული ეღზნება,  
 სალამო მისთვის კაემანია  
 და კაემნითვე მას უთენდება!  
 ვით გუშინ დღესაც ქარხანაშია  
 ოფლს გამოსწურავს გამოფიტავს ძვლებს,  
 და სალამოთი თავის ცოლმვლთან  
 მიიტანს სიმშინს, მიიტანს ნაღველს!  
 ასე ყოველ დღე იგივე საყვირი,  
 ბრძოლა,.. ცხოვრება, ტანჯვა უხვოთა,  
 წამების ჯვარი, მონის უღელი,  
 ისევ გოლგოთა! ისევ გოლგოთა!

ი. ვედოშვილი.

### ქრისტიანობა და დღევანდელი პედაგოგები.

ხშირად შეხვედებით ცხოვრებაში ისეთ სულ-  
 დგმულებს, რომლებიც ქრისტეს სახელს საფრანგე-  
 თის ცნობილ მწერლის რენანის დალით ჰდაღავენ,  
 უნიადგო მოქადაგედ, ცხოვრების მოწყვეტილ  
 „უტოპისტად“ ჰნათლავენ. საბრალო უვიცნი ისი-  
 ნი ვერც კი ჰგრძნობენ, რომ მათი პირადი ცხოვ-  
 რებაცა და მთელი საზოგადოებაცა იმიტომაა ტან-  
 ჯული, რომ ამ „უტოპისტის“ მოძღვრება დევნი-  
 ლია ცხოვრებიდან და გამეფებულია ჩვენ შორის  
 ისეთი მშრალი და უსიცოცხლო მატერიალისტუ-  
 რი რწმენა, რომელიც თვით ამ რწმენის მქადა-  
 გებელს თავის უშნო დალით ჰდაღავს. როგორც  
 ბრძენისაგან ნათქვამია, თვითელი ერი თავისი  
 მთავრობის ღირსიაო, (როგორც ბერიო, ისეთი  
 ერიო), ისე თვითელი ადამიანიც თვის მიერ აღი-  
 არებული მოძღვრების ღირსია; რა მოძღვრებაც  
 სწამს, იმის და გვარად მოწყობილია სულიერი ვი-  
 თარება, თვალის ჩინი, მთელი იმისი პირადი ცხოვ-  
 რება.

ეს კეშმარიტება არსად არა სჩანს ისე  
 ნათლად, როგორც აღზრდა-განათლების საქმეში.  
 დღეს ბავშვების აღზრდა-განათლება ეგრედ-წოდე-  
 ბულ „პედაგოგებს“ აბარია, ბავშვების აღზრდა-გა-  
 ნათლებისათვის განსაკუთრებით მომზადებულ მას-  
 წავლებლებს აქვს მინდობილი, რომლებიც მალლი-  
 დან ქვევით უცქერიან ჩვენისთანა უბადრუკ ხალხს,  
 რადგან ჩვენ მათი ხელობის შესახებ მსჯელობას  
 ვბედავთ, რადგან არა ვართ მათსავით „სპეცია-  
 ლისტები“, ზედ მიწვევით საგნის მცოდნე პირები  
 და ამიტომ ერთობ უკვირთ ჩვენი თავ-გასული  
 კადნიერება.

მაგრამ რაც უნდა მკაცრი თვლით გვიყუ-  
 რონ, რაც უნდა თავ-მომწონე დაცინვით დაგვი-  
 ხედნენ ჩვენი სასიკადულო პედაგოგები, მაინც ვერ  
 დააბრუნებენ, იმ შავ-ბნელ ძველ დროს, როცა

სამღვდელო ქურუმებისა და სასტიკ წყობილებისა-  
 გან დაჩაგრულ-დამონაგებულ ეგვიპტელ ხალხს  
 ღრმა სასოებათ სჯეროდა, რომ სამრევლოებში  
 მიერ ამართული მალალ ქვის სვეტები. სულგამო. ქვესა  
 სვეტები იყო, საიდანაც დილ-დილას ღვთიური ხმე-  
 ბი ისმოდა. საწყალი ხალხი ვერ გულისხმობდა რა-  
 საკვირველია, რომ ამ ხმების გამომცემი იმ სვეტე-  
 ბის შუა-გულში მიმალული ვინმე სამღვდელო პი-  
 რი იყო.


ჩვენი დრო კი სულ განსხვავებული დროა.  
 როცა ჩვენი დროის მასწავლებელ-აღმზრდებლები  
 ძველ ეგვიპტელ ქურუმებსავით თავისი მძლავრი  
 ავტორიტეტის შემწეობით ჩვენ ჩაჩუმებასა და და-  
 მორჩილებას სცდილობენ, ჩვენ წინაშე თავ-მომწო-  
 ნედ ამართულ პედაგოგებში ჩვენ მხოლოდ ქვის  
 სვეტებსა ვხედავთ, რომლებიც არა ზეციერ, არა-  
 მედ ერთობ მიწიერ ჰანგებს გამოსცემენ ჩვენი, არა  
 სპეციალისტების, ყურთა სმენის მოსატყუებლად.

დღეს პედაგოგების გაქვევებულ რწმენას შეად-  
 გენს რომ ქრისტეს რჯულის ძირითადი კანონები,  
 ეგრედ წოდებული „ქრისტიანული პრინციპები“—  
 უნიადგო-უტოპისტურია, ამიტომ ჩვენი პედაგო-  
 გები უვიცობა-ცრუ-მორწმუნეობისაგან ადამიანის  
 არა განმათავისუფლებენი, არამედ ამ უვიცობის  
 კლანჭებში უფრო მჭიდროდ ჩამგდებნი და დამჩა-  
 გვრენი არიან.

ქრისტეს მთელი რჯული ერთ ძირითად კანონ-  
 მცნებაზეა აგებული, რომელიც ყველა სხვა სარწ-  
 მუნობასაც აღიარებული აქვს. ნუ უზამ სხვას იმას,  
 რაც თვით შენთვის არ გსურსო.

წესწყობილების მორჩილმა ჩვენმა პედაგოგებ-  
 მა დაუმორჩილეს მოზარდი ახალთაობა ყაზარმულ  
 წესს, ეგრედ წოდებულ დისციპლინას, რომელიც  
 თავისთვის არა სურა, რასაკვირველია, რადგან  
 ადამიანს ბუნებით თავისუფლება სწყურია, დიდ-  
 ხანს ჰყავდათ თავის მოწაფეები ამ დისციპლინის  
 რკინის ბრკყალებში მომწყვდეული და ბოლოს  
 მხოლოდ იმას მიაღწიეს, რომ ამ ბრკყალებისაგან  
 თავ-დახსნილი მოზარდი თაობა სრულებით გზა და  
 კვალ დაბნეულია ცხოვრებაში და ყაზარმულ დის-  
 ციპლინასთან ერთად მალალ ზნეობრივ დისციპლი-  
 ნასაც უარყოფს და ჰგონია რომ ადამიანისათვის  
 არა არს რა აკრძალული ამ წუთი სოფელში. ტყუი-  
 ლად კი არ არის ნათქვამი, „თუ გინდა ღმერ-  
 თი დაივიწყო, სემენარიაში უნდა შეხვიდე მოწა-  
 ფედაო“. „თუ გინდა ზნეობა დაივიწყო—გიმნაზია-  
 ში უნდა შეხვიდე მოწაფედ“,— დაუმატოთ ჩვენ.

დღევანდელი პედაგოგი წვალებული კაცია,  
 სწორედ შეგებრალეობათ, როცა იმის მდგომარეო-  
 ბას გაითვალისწინებთ: იმან არ იცის, როგორ



დამორჩილოს, საიდან რა მოუგვაროს სავსებით თავ-აშვებულ მოწაფეებს. იმიტომაა უფრო სიბრა-ლულის ღირსი დღევანდელი მასწავლებელი-პედა-გოგი, რომ იმას, თუმცა განათლებულ გვამს ჩვენ გაუნათლებელ მემამულე თავად-აზნაურებსავით, არ ესმის დღევანდელი დროის ვითარება, ყველა-ფერს გარეშე პირობებს აბრალებს, მოწაფეებზე უზნეო აგიტატორების მანე გავლენას ჰხედავს, ათასნაირ გარეშე გარემოებას სთვლის ბავშვების დღევანდელი გზა-დაბნეულობის უმთავრეს მიზეზად და ვერც ერთს ვერ ჰნახავთ მათ შორის გულითა და გონებით იმდენად მტკიცე ადამიანს, რომ სა-ჯაროდ გულწრფელად აღიაროს: ის დაგვემართა, რაც გვეკადრებოდა,—იმას მოვიმკით, რაც ჩვენ თვითონ დაგვითესიაო.

ქრისტიანული „უტოპისტური“ კანონით ბავ-შვების აღზრდა განათლება თავისუფლად, ძალ-დაუ-ტანებლად უნდა სწარმოებდეს, მხოლოდ მაშინ, როცა მასწავლებელი მკაცრ სალდათურ დისცი-პლინას არ ემსახურება, როცა ხელში ზნეობრივი მათრახი არ უქირავს, როცა იგი ნამდვილი თავი-სუფლებისა და ბავშვებთან თანასწორობის მოძღვა-რია, მხოლოდ მაშინ შეაგნებინებს იგი თავის მო-წაფეებს ამ ძმობა-თანასწორობას და მხოლოდ მა-შინ მოიხვეჭს მათ შორის იმ ზნეობრივ ნდობას, რომელსაც დღეს ჩვენი პედაგოგი „უტოპისტობის“ სახელით ჰნაბლავს.

ი. ნაკაშიძე.

სიმწარე... სირცხვილი...

(სურათი),

... დიდი შეფათია... მზე თითქმის გადახრი-ლია. სალომე გაშტერებული დგას და თვალები შარა გზისაკენ აქვს მიქცეული... რაღაც მოუ-ლოდნელ შიშს აეტანა... გული მოუსვენრად უძაგ-ძაგებს და მლოდინში კბილები უკაწაწებს...

— რა იქნა ოჯო, არ გამოჩნდა იი ბალანაი? — გამოსძახა ცოლს გოგილამ ფაცხიდგან.

— ნეტაი ფეხი მომტეხოდა, ხვალინდელი დღეი შავად გამთენებოდა და იი გოგო არ დამე-კარგა დღეს!.. არა, მე უბედურმა და შავ დლიანმა ვიფიქრე—კვერცხის საღებავს და ხატის სანთელს მომიტანს, მაცხოვარს დაუნთებ-მეთქი... ვაიმე შვი-ლო! თუ მე დაგირჩი დასანთები!..

როგორც ნადირი გამოვარდა გოგიელოი გა-რეთ, თოფის მაგიერ—წალდს წამოავლო ხელი, გადახტა ალაგეზე და გაექანა შუკაში...

არ გასულა საათი რომ გამოჩნდა მამა და შვი-ლი... მაგრამ ვაი მათ გამოჩენას... ბალანას სახე არ ქონდა, გაფითრებული... დატანჯული...

— მიტირეთ, მეზობლებო, მიტირეთ შვილე-ზო, მიტირეთ!—მოსთქვამდა სალომე; მზე დღეს გაგლეჯილს, ჩემს უბედურებასთან ეს მინდობოდა ეს მაკლდა?

— ლამის 12 საათია... გოგიელო აგიზგიზებულ ცეცხლს უზის და უაზროდ აღის ბიბინს თვალს აყოლებს... საწყალი ფიქრებს წეელო... სურათი-სურათზე ეხატება... სიმწარე... ტანჯვა... სირ-ცხვილი... შური და ბოღმა ..

უცებ წაილულულა: ღობე—გამირღვიეს, სახ-ლი—დამირღვიეს, ნალიე—წამიქციეს, მეწველე—ძროხა—დამიკლეს, ფაცხა და ბეღელი დამიწვეს, მარანი ღვინით მომიწყყეს... დამლუპეს, დამაწიო-კეს და ეხლა ქალიც... ჩემი გოგოც გამიუბატიუ-რეს...

ცრემლ-ნაღველ მორეული, უფრო გაიტაცა ფიქრებმა... სიმწარე... სირცხვილი... შური და ბოღმა...

ატყდა ზარების რეკვა .. ერთი სოფლის ეკ-ლესიის ზარის ხმას, უერთდება მეორე,—იმას—მე-სამე... მთელი არე-მარე აგუგუზდა..

— გეიხედე, სალომე... ვის ოუშენეს ოჯახი?

— „ქრისტე აღსდგა!—ო და აკანკალეხულის ხელით პირს ჯვარი გადიწერა სალომემ...

— „ქრისტე აღსდგა“. მაგრამ ჩვენთვის კი არა, სალომე!.. ჩვენთვის სიმწარე... სირცხვილი! ტანჯვა-ვაება... დარბევა-დაწიოკება.

ქრისტე აღსდგა! გაისმის შორიდან.. აქ კი სირცხვილი... სიმწარე... შური... ბოღმა!

ვასო ურუშაძე

ქუჩუნა წვიმა


(სააღდგომოდ)

გაზაფხულის დღეს ქუჩუნა წვიმამ განაცხოველა ია დამქქნარი; მარგალიტ ცვრებით ააბჭყვრიალა, მწვანე მინდორი, ტურფა მთა-ბარი.

ღიმილი უკრთით მთის ყვავილებსა, ტყეში ფოთლებმა იწყეს შრიალი; ბუჩქში მინაბულს კურდღელსა აკრთობს გადაღმა შაშვის მარდი ფთხრიალი.

ნაღვეჯ ღრუბლებში დასავლეთისკენ ცისარტყელისა გამოჩნდა რკალი; თითო-ოროლა ცვარს, ძირს მონაქროლს, მზის ნარნარ სხივზე გააქვს კრიალი.

ცქვიტი მერცხლები მსწრაფად დაჰქრიან, წყლის ნაპირებზე ჰაერს აპობენ; ბუზებს იქერენ ცის კამარაში, თან შეუწყვეტილვ ტკბილად ჰგალობენ.



უუუუნა წვიმამ დაჩაგრულ გულში  
წუთით აღაგზნო ნაზი გრძნობები,  
და ბაღშიც ვარდსა, სატრფოს სულისას,  
უხვად აპკურა ციური ცვრები.

ვიშ, ამ ნეტარ დღეს! აღსდგა ყოველი,  
ფრინველთა სტევენა ატკობს სმენასა!  
მაგრამ სამშობლო, მრავალ შანჯული,  
როსლა ეღირსოს კვლავ აღდგენასა?!

ა. შ—ლი.

## საფლავები ჩამომძახე

(საადღვამო სურათი)

შუა ღამეა. ქრისტიანები, კმაყოფილნი თავიანთ ცხოვრებისა, დღესასწაულობენ ქრისტეს აღდგომას, ხოლო ყველა ტვირთ-მძიმენი, მუშაკნი, ბეჩაენი, უსახლკარონი, მშვიფრები და სენით შეპყრობილნი თავიანთ ქრისტეს აღდგომას კვლავ ელიან!...

სამ სართულიან სახლის ბნელს, ნესტიან სარდაფის ერთ კუთხეში უმუშავრად დარჩენილი მუშა ილიკო გმინავს, —ამ გმინვას თან აყოლებს ცხოვრების უსამართლობისადმი ზიზღს და სიძულვილს! სულთმობრძავის საწოლის ახლო მიმჯდარა მისი უნუგემო ცხოვრების ამხანაგი თამრო, საშინლად გამხდარი და მრავალ ვაი-ვაგლახისგან ძალზე მისუსტებული; იგი ღრმა ფიქრებშია წასული... ხშირად პატარა გოგიას გულსაკლავი ხმა მწარედ გამოარკვევდა ხოლმე: „დედი, პული მშიან, მშიან პული... ეჭე?..“ ისარივით ესობა თამროს გულს ეს ხმა, მაგრამ რას იზამს, —რაც არა აქვს, რა მისცეს ბავშვსა?..

მისი ქმარი აგერ უკვე ექვსი თვეა, რაც უმუშავრად დარჩენილი და ლოგინად ჩავარდნილი, სულს ებრძვის და გუშინ კი, სწორედ გუშინ სახლის უკანასკნელი გამოსადეგი ავეჯი გაყიდა.

გოგიას პური შიან, ილიკო კი სიცოცხლეს ებრძვის, მისუსტებულ თვალებს ვეღარ ახელს და ტუჩებით რაცხას ამბობს!..

კვდებოდა ილიკო. მას სიკვდილის არ ეშინოდა, მაგრამ... მაგრამ თამრომ და გოგიამ რა ქნან? ყურს ვინ დაუგდებს გოგიას ჩივილს—შიმშილ წყურვილს!.. საწყალი ილიკო! ხომ კვდება, მაგრამ ეს უკანასკნელი წუთიც მოშხამული აქვს, სამარეშიაც ნადვლიანი მიდის. საშინელი შიმშილი მის შთამომავალთაც არ ასვენებს! დიახ, სიკვდილის არ ეშინოდა, მაგრამ თამრო, გოგია? იქნება ქუჩის გარყვნილ ცხოვრებამ ჩანთქას ორივე—დედა და შვილიც? მათ მოგონებაზედ თვალთავან ერთი მწვავე,

ობოლი ცრემლი გადმოენთხა,—ცრემლი უკვდავის სიყვარულისა და მასთან უკვდავის მძულველი მსახურისა ამბობენ, სიკვდილის დასრულებული მებრძოლი უსათუოდ ერთ ცრემლს მაინც გადმონთხევს თვალიდან, ცრემლს ბრაზ-ბოლმისას დამმარცხებელთადმიო!..

ესეთი იყო ილიკოს ცრემლიც!

სიკვდილი თავს ედგა, ყველაფერს გრძნობდა. უკანასკნელად თავს ძალა დაატანა, მოიკრიბა დარჩენილი ძალ-ღონე და წაიბუტბუტა:

„თამრო, კვდები... გოგიას და შენს თავს მოუარე... ეცადე ნამუსი არ დაკარგო სიღარიბისთვის! ერი...დე ქუ...ჩა...!ას! ის გარ...ყვ...ნი...ლი...ა...ა... მე ვერ შე...ვე...სწა...არ და შენ... შენ... საფ...ლავ...ში... ჩამ...ომ...და...ხე... ჩვენი ქრისტეს აღდგომა... მჩაგვრელთ დამხობა... და...ჩა... გრულ... თა გა...მარჯ...ვება .. აღ...დგენა! ...“

ვერ დათავა. ქკუაზედ შემცდარი თამრო ილიკოს გაციებულ გვამს თავს დაქვითინებდა და გოგია კი დედას, კალთაზე ჩამოკიდებული, ეტიკტიკება: დედა, მამა ფუფალასთან წავიდა?! პულს მომიტანს!.. ჰაჰა?!

გ. თამროშვილი.

## ქრისტე აღსდგა!

„ქრისტე აღსდგა!“—„ქეშმარიტათ,“! ხმა მოისმის მხიარული!..

ღროს ვიწყით ძველებურათ ერთმანერთან სიარული!  
ენახოთ ყველა, მიულოცოთ და უსურვოთ ღლეგრძელობა, დაევიწყოთ ჩვენი სენი: ერთმანეთში შური-მტრობა!..  
ქრისტე ჩვენი სიყვარულით ჯვარცმულ-იყო, წვალებული, მას მივბაძოთ, მოვიბოვოთ მისი მცნებით სიხარული!..

კონ. ნიკოლაძე.



### სააღდგომო გასართობი

სოფელ წრ-ში ეკლესიაში ჯვრის წერა იყო. ხალხი წესიერად და რიგიანად იდგა და ლოცვას ისმენდა.

ამ დროს შევიდა პრაპაგანდისტი და რა დაინახა ქულ მოხდილი ხალხი, შეჰყვირა: დაიხურეთ ამ საათში ქულებიო. ქულები დაიხურეს... შემდეგ დაინახა ანთებული წმინდა სანთლები და კელაპტრები.—ეს რაღა აგინთიათ? გააქრეთ ამ საათში! მაინც და მაინც თუ გინდათ კელაპტრებათ თქვენი ჯოხები დაანთეთო (!).

აღდგომა დღეს ქართლის ყველა სოფლებში ხალხს აუკრძალეს ეკლესიაზე მისვლა და „ქრისტე აღდგას“ მილოცვა ერთი ერთმანეთში. თქვენ ქრისტე კი არა მარქსი უნდა ილოცოთო!

აღდგომა დღეს, გორში—მოგვიტბრობს ერთი ვაჭარი სომეხი—ჩემ ილბალზე ბაღთან გავიარე, შეგხედო, ესა და ეს (ცნობილი პრაპაგანდისტების სახელს ჩამოთვლის) სხედან ბაღში და საუბრეს მიირთმევენ. დამინახეს, დამიძახეს, მეტი ჯანი არ იყო მივედი. გულის ფანჯრულით მიუახლოვდი, მოუხადე ქული და ვუთხარი; ქრისტე აღდგა-მეთქი ყმაწვილებო. წამოვარდა ერთი მათგანი და ყელში მეცა: რა სთქვი ეგა, რა სთქვიო!—დღეს აღდგომაა, მაშ რა ესთქვა მეთქი?—სთქვი: მარქსი აღდგაო! ბევრი მაყვირეს, რამდენჯერმე გამამეორებინეს, ბოლოს გამიშვეს და წავედი სახლში. შემდეგ ვიკითხე, ვინ უნდა იყოს ეს მარქსი მეთქი? და რა გავიგე! თურმე ურია არ ყოფილა! ღმერთო შეგცოდნე, ღმერთო შემიწინდე!—ოხუნჯობს ვაჭარი და პირჯვარს იწერს.

აი როგორ იგდებდნენ მასხარა პრაპაგანდისტები ხალხის წმიდათა-წმიდას და იმ დიდებულ იდეას, რომელსაც ვითომდა თვით ემსახურებოდნენ.

ხეობელი.

### ა ღ ღ გ ო მ ა

იძახიან: „ქრისტე აღდგა.“—  
ჩაგრულთ მხსნელი, მაცხოვარი,  
მეც უნებლიე პასუხს ვაძლევ:  
ქეშმარიტად, ასე არი!  
თუმც კი ამ დროს ირგვლივ მესმის  
ტანჯულთ კენესა, გლოვის ზარი...  
თვალ წინ მიდგას სახრჩობელა.  
და წამების მძიმე ჯვარი!..  
იუდეები მამბეზრობენ,  
ჯალათებსა მკლავი სწყდებათ...  
ძალადობას თაყვანს სცემენ...  
ქრისტეს მცნება ავიწყდებათ!..

არვინ ფიქრობს მაცხოვარზე,  
გაქვნილია შურით გულსა  
ყველგან მტრობა, ძალადობა  
და სიმატლე ხელ შეკრული!  
ალარ არის ქვეყნად ძმობა,  
სათნობა, სიყვარული..  
გოლგოთაზე კვლავ გაისმის  
ტანჯვა-კენესა დაუსრული!..  
ეს მიქარწყლებს „აღდგომასა“  
ბედნიერ დღეს ტანჯვა ერთვის  
ვილას ვუთხრა—„ქრისტე აღდგა!“  
„ქეშმარიტად“ ვინღა მეტყვის!?

გერი.

### წყვილი და სინათლე

„...წითელი სისხლით შეღებილა  
თავით ფეხამდე; მამათა  
სისხლით, დედათა სისხლით,  
სისხლით ქალ-ვაჟთა...“  
„ჰამლეტ“

ენახე სიზმარი:  
იქეთ ქვეყნელი, ამაყად მჩენი, ბაყბაყ მდევი  
განისვენებდა, კმაყოფილებით გონ დაბნეული, თავ-  
ხედი და განუკითხველი.  
საშინელის წყვილიადით გარემოცულ მის სამ-  
თავროში ანაზღვეულათ მზის ნათელ სხივმა შემოა-  
შუქა. სიბნელეს ჩვეულს ბაყბაყ მდევის ბისტიან  
თვალებს ეს არ იამა!  
მდევის თვალები გაკვირვებით შესცქეროდნენ  
ამ მოვლინებას!  
სხივს კი თან და თან ემატებოდა სინათლე და  
მაცოცხლებელი სითბოებაც...  
იქით ქვეყნელი შეტორტმინდა -- შეინძრა! მი-  
სი ქვეყნისა ერთსა მეოთხედს უკვე სინათლე გარს  
შემორტყმოდა... ბაყ-ბაყი მდევი ტახტზე წამოჯდა!  
უფრო და უფრო ეფინება ქვეყნად ნაოელი.  
ადამიანმა სითბოც იგრძნო.  
თავხედი და განუკითხველი სწრაფად წამოხტა!  
მზის სსივებს კი მთელი სამყარო, ყოველი კუთ-  
ხე უხე ნათელ-სხივით სულ შეემოსა...  
ბაყ-ბაყი მდევი გაცოფდებდა! გაბრაზებულმა  
გასცა ბრძანება, რომ მთელი ძალა მოეხმარათ ამ  
მოვლინების შესაჩერებლათ.  
ჰაერში მესმა გაიზუზუნა... დაიგრილა... აქა-  
იქ გამოჩნდა ცეცხლის აღი და ერთ წუთს შემდეგ  
აუტანელი ქარიშხალი გამეფდა ქვეყნად.  
სუნთქვა გაქირდა, გარეშემო საზარელი სუნი  
იღვა წვისა და დაგვის!..  
ბოლი... ცეცხლი!.. ქვარტილი.. ქექა-ქუხი-

ლი... გულ შემზარავი წივილ-კივილი, კენესა ვება!..

იქით ქვეყნელი ბაყ-ბაყი მდევი ისევ ჩამოჯდა თავის ტახტზე და კმაყოფილი, თავხედი და განუკითხველი სიამოვნებით წყვილიად შესტკერის...

და „წითელი სისხლით შეღებილა თავით ფეხამდე; მამათა სისხლით. დედათა სისხლით, სისხლით ქალ-ვაჟთა!“

ვანო ბარველი.

ა ლ ღ ო მ ა .

მტანჯველ ცხოვრების შავი აჩრდილნი სამარეთაგან კვალად დგებიან;

ახალ ტანჯვებად გარდაქცეულნი სიკოცხლეს მკაცრად ჩასკიდებიან...

ოჰ, ნუ უწოდებთ მას სიხარულსა, რამაც სიმწრისგან გადინარხარა!

არ წყალობს ბედი ბედზე მამულსა, იესოც მკვდრეთით ჯერ არ ამდგარა...

... მაგრამ აღსდგება ბრწყინვალეებითა, წმინდა ალთქმანი აღსრულდებიან

და მხოლოდ მაშინ ჩვენ ბედზე მამულს ტანჯვანი ღხენად შეეცვლებიან!..

ი. მჭედლიშვილი.

ვით მივხვდებო ალდგომას!

ვით მივეგებო ალდგომას,— ვით ვუძღვნა ნეტავ სალამი, ოდეს ძირს გღია ტალახში ჩვენი დროშა და ალამი!

ვით მივეულოცო გატანჯულთ. ავამუშავო კალამი, ოდეს კვლავად ჰვლობს იმათ გულს სევდა, დარდი და ვარამი...

ვითა დავეხსნა მწარ ნაღველს და ტკბილს მივეცე ოცნებას, ოდეს გარშემო ცრემლს ვხედავ ქვეყნის დარბევას, მონებას.

ვერა, ვერ ვუძღვნი ალდგომას ვერცა სალამსა, ვერც ქებას, როცა სამშობლო განიცდის უსამართლობას ვაებას.

დ. თურდოსპირელი.

ნუ მილოცავ!

ნუ მილოცავ ალდგომასა, ნუ მილოცავ დღესასწაულს, ჯერედ ისევ ხაღხს მშრომელსა ვერა ვხედავ გამარჯვებულს.

ნუ მილოცავ ალდგომის დღეს, ნურც მომევალ გაზაფხულსა, ვერც ერთი და ვერც მეორე ვერ ახარებს ჩაგრულ გულსა!..

გრი—ი.

ნინიკა. — სად იყო ჩვენი კარლო ჩხეიძე როცა სახელმწიფო ღუმეში რუსების ჩამოსახლებაზე ჰქონდათ ბასი, და ტიმოშკინმა ამ ჩამოსახლების აუცილებლობა მიადებინა ღუმას, — რატომ ხმა არ ამოიღო?

ივანიკა. — არა სცალოდა, სხვა უფრო საჭირო საქმევედ იყო გასული.

ივანიკა. — იმაზე უფრო საჭირო მაქმე რალა იქნებოდა?

ივანიკა. — თავის დიდ რეზს ამზადებდა ციმბირის გზის თაობაზე და რუსეთის იმპერიის ერთობაზე.

ნინიკა. — არა, რა საჭირო იყო მაგისი რეჩი? პურიშკევეჩის მაინც ვერ აჯობებდა და...

ივანიკა. — აკი აჯობა კიდევ. — ვერ გაიგე, ღუმეში რა სიცილი ყოფილა?

ტ უ ს ა ლ ი

I

დილა გათენდა... მზისა სხივებმა, ცას წარუგზავნეს ოქროს ისარი, აძგერეს წყვილიად, შემაწუხებელს, შუა გაუპეს გულის ფიცარი.

ფრინველთ აქყიტეს ადრიან თვალი, მაღლა ჰაერში შეისრიალეს; ტოროლამ ზევით, ბულბულმა ქვევით, ნაზი სიმღერა ჩააწყრიალეს...

ქალაქმა სახე მთლად შეიცვალა, — აღარ გამოსჩანს მიმკვდარებული; ქუჩაში ხალხი მრავლად სეირნობს, ფერადოვნებით აჭრელებული,


ზარებსაც რეკვენ... მლოცველთ იხმობენ. ეტლი ეტლს მისდევს, გააქვს გრიალი... ხარობს ბუნება, ბანს აძლევს ხალხი, ყურს ესმის მღერის ხმისა წკრიალი!..

II

მაგრამ... შეხედეთ იმ უზარმაზარ ციხეს წყვილიად გარემოცულსა, რა უგრძობელად სდგას მოქრუშული, — ვერა რა ალბობს მის ქვიან გულსა.

ის მხყრობელია... მის კედლებ შუა მრავალი არის გამომწყვედელი. მათთვის გამქრალა წუთი სიამის, — სული უშფოთავს, ეტანჯვის გული...

ე... ჟანგიანსა რკინის ფანჯარას ვილაც მოადგა დაღონებული...



ძირს იყურება ქალაქს დასცქერის...  
ეტყობა არის აღელვებული...

III

...მის ყურს მოესმა ქიკჭიკი მერცხლის,  
ჰაერში მარდად მომსურავისა,  
მუსიკის დაკვრა, სიცილ-ხარხარი,  
ხმა მეჩონგურის, მომღერალისა.

ველარ გაუძლო ბოღმას უზომოს,  
მისუსტებულმა იმისმა გულმა;  
კვლავ მიმოავლო მიდაჰოს თვალი  
და დაიძახა აღშფოთებულმა:

„მშვენიერებაა!.. ყოველი ხარობს...  
შენც დასტკი, გულო, ამ ნეტარ ხმებით,  
იგრძენ სიამე, გამხიარულდი,  
ნუ შემოსილხარ შავის ღრუბლებით!..

ხა, ხა, ხა, ხა, ხა!.. „გამხიარულდი!“  
რა გაახარებს გულს ტუსაღისას,  
რომელიც ბნელში გამომწყვდეულა,  
მარად ნატრულობს ნათელსა მზისას?!

რა გამახარებს, როს ირგვლივ მიცქერს,  
მხოლოდ კედელი დანესტებული;  
ოდეს ვმარტობ, არსაით მესმის  
ბაასი მოძმის, გამმხნეველი?!

...დღეს აღდგომა სიმართლეს მიცველის,  
ტანჯულ გვემულსა მექომაგისა...  
იქ ყველა ხარობს... მე აქ ვიტანჯვი...  
ხმა ვერ მახარებს მომღერალისა.

და მერე რისთვის? რა დავაშავე?  
რა ჩავიდინე ავაზაკური?  
რისთვის შემბოჭეს ჯაჭვით, ხუნდებით,  
რისთვის შამეხო ხელი მხაკერული?..

ნუ თუ იმიტომ, რომ ტანჯულთ კვნესამ.  
უსამართლობამ გამეფებულმა  
გულს ჩამაწვეთა მტერთ სიძულვილი  
და ხმა აღძვარი აღელვებულმა?..

მაგრამ ქრისტეც, ხომ უსამართლობის  
სასტიკი მტერი, მგომობელი იყო;  
თავიც გასწირა ბრძოლაში, რომა  
თავისუფლება ხორც შესხმულიყო?..

მაშ რა ახარებთ იმათ ღა მანც,—  
უსამართლობის მტკიცე დამცველთა;  
რასა მღეროდნ, რას ხარხარობენ,  
შთამომავალნი ფარისევლთა? .

თუ გაახარა ისინი ქრისტემ,—  
მე რაღად ვგდივარ მაშ ამ საკანში?  
მეც ხომ ვცდილობდი თავისუფლება  
მეფედ მჯდარიყო ჩვენს ცხოვრებაში?..  
მაგრამ... რას ჰკარგვენ, რა ენადღვებათ,  
ოდეს „რ“ სდგება მხოლოდ სიტყვითა..  
სინამდვილე კი ისევ ის რჩება.—  
არე ირწყება ჩაგრულთ ცრემლითა!...

აბა გაბედოს ვინმემ „მის“ მცნებას  
ხორცი შეასხას, საქმედ აქციოს  
მაშინ მას ჩემი დღე დაადგება,—

თვალთავან ცრემლი უნდა აქციოს!  
თუმც ეხლა ყველა ხარობს, ჩაგრულიც,  
მაგრამ ეს მხოლოდ წუთიერია,—  
ხვალ მას იგივე ტანჯვა მოეღის,  
რაც აქამომდე უგემებია!..

...კარგად ვჭვრეტ ამას, სული მიშფოთავს,  
ქრისტეს „აღდგომა“ მე ვერ მახარებს,  
არამედ მტრების საწინაღმდეგოდ,  
ჩემს მისუსტებულ გულსა ამხედრებს!..

...არ მიხარია... მოველი იმ დღეს,  
როს ქრისტეს მცნება ხორცსა შეისხავს  
და ნამდვილ ძმობას, თავისუფლებას,  
წმიდა ცხოვრება გულში ჩაიკრავს,  
მაშინ ჩემებრი „დიდ დამნაშავე“  
ამ ბნელ საკანში აღარ იქნება,  
მას არ დასტანჯავს შავი ბორკილი  
და ხორცი ძვალზე არ დაადნება!

მაშინ იხარებს ყველა ჩაგრული,  
მტკიცე, მუდმივი სიხარულითა,  
ურთ-ერთს აღდგომას მიულოცავენ,  
გადაჰკოცნიან სიყვარულითა!..“

ეს სთქვა ტუსაღმა. გაფითრებული,  
მიეყრდნო საკნის შავ ბნელ კედელსა  
და მოქანცული ბრაზით, ნადველით,  
დაემორჩილა დროებით ბედსა.

დ. ელიოზიშვილი.

ხალხია და ნიჰი

— დიდი სირცხვილი იქნება რუსებისთვის,  
თუ ლევ ტოლსტოის იუბილე ვერობამა დმ ამერი-  
კამ გამართონ, რუსეთმა კი ვერა,

— რა ფუყოთ? ღმერთს ყველა ხალხასთვის  
ერთნაირი ნიჭი როდი მიუცია. ზოგს მწერლის  
იუბილე ეხერხება, ზოგს ღენერლისა.

ფიქრი

იგრიალა რაღაც ძაღმა  
და სასტიკმა ქარიშხალმა  
ყველაფერი აგვიბნია,  
არია და გადმოდენა  
უცხო რჯული, უცხო რწმენა,  
ოლიმპი და სინაია;  
და მოძღვრება მრავალგვარი,  
როგორც ტალღა წამომსქდარი,  
წამოვიდა მღელვარებით,



მარიამ მაგდანელი ჯვარცმულის ფერხთან — კასპარი-  
დესის ნახატი.

იოანე მოციქული ღვთის მშობლის მანუგეშებელი —  
პლოკორსტის ნახატი.

ჩენი ქვეყნის კუთხე ყველა  
მან კამკამით ააქრელა  
და მოიცვა უცხო ხმებით.

ჩვენ შევდექით... ჩვენა ვტირით:  
გადაჭრითა პირდაპირით  
ვერაფერი მიგვიღია;  
ყოველ ტალღის ჟრიაშულსა  
ჩვენ შარა-გზას ვაძლევთ სრულსა  
კარი ყველგან არის ღია.

ტალღა ზოგი დულს და შხუის,  
კენჭებითა ტკბილ სიცრუის  
მოქვედილი უჩანს ძირი;  
ზოგი მოღის ტკბილი ჟღერით,  
აღთქმებითა ფერად-ფერით  
მოუქარგავს განაპირი.  
ბევრს იტაცებს ტალღა წმინდა,  
ბევრი კიდევ გადაცვინდა  
მისაწვდომად მიუწვდენის,  
დაილუბა ბევრი გმირი, —  
ტალღამ ისევ შეჰკრა პირი.  
შეუცვლელად თვისი დენის.

განცვიფრებულ მდუმარებით  
ჩვენ ტალღებში ვიყურებით  
უმეცრებით აღქურვილი;

ჩვენ არ ვიცით, რას ვესწრაფოთ,  
ტალღას რომელს დავეწაფოთ,  
რომ მოვიკლათ სიწყურვილი;  
თავბრუ გვესხმის, ვერას ვხედავთ,  
ვერასფერსაც ვერა ვხედავთ,  
ცრემლი მოგვდის მდულარედა,  
ვტირით, როგორც ებრაელნი,  
საწყალნი და მოუვლელნი  
ბაბილონის წყალთა ზედა.

ვის მივმართოთ, რა ვილონოთ,  
რომ თვით ჩვენვე ვეპატრონოთ  
ჩვენს თავსა და ჩვენსა შრომას?  
სიტყვა ძმური ძმას არ სჯერა,  
არცა წრფელი გულის ძგერა,  
ყველაფერი აცდა ზომას.  
ბნელი სუსხით ამ დროების,  
გულში წმიდა სასოვების:  
გახმა ვარდი, ჩაქენა ია;  
და არ ვიცით, წინ რა გველის,  
და არ ვიცით რა გვიშველის —  
ოლიმპი თუ სინაია?!

გიორგი გვიზავა.





ქრისტე აღსდგა! ვ. ფუნბერგის ნახატი.

**მეგობარო!**

როდესაც სევდით მოცულს გხედავ  
შეც მწარე ფიქრი არა მშორდება  
და თანაგრძნობა ჩემი შენდამი  
უფრო და უფრო მიორკეცდება.

მე კარგათ ვიცი, რაც სულს გიშფოთებს,  
ვიცი საგანი შენის ტრფობისა,  
ნუ დაივიწყებ მას, მეგობარო,  
თუ არ გასურს გახდე ღირსი გმობისა.

არ გადუხვიო ჭეშმარიტ გზასა,  
გახსოვდეს შენი მოვალეობა,  
საქმე ის არის ვაკირვებაში  
გამოიჩინო. მეტი მხნეობა!..



აღდგომა სოფლად...

აღდგომის შეხვედრა ბენდიერ ოჯახში.



ქრისტე აღსდგა!

ბევრს ნახავ მწარეს ამ ცხოვრებაში,  
ბევრჯელ შეხედები უსამართლობას,  
გულს ნუ გაიტეხ, გასწი პირდაპირ  
არ უღალატო შენს წმინდა გრძნობას.

არ შეუერთდე იმ ხალხთა რიცხვსა,  
რომ კამა-სმისთვის იბადებოან  
და უსაქმურნი, უსარგებლონი  
უსარგებლოთვე იღუპებიან!



# პეტარდები

(კვირიდგან-კვირამდე).

◆ **ბანმარტება პეტარდების დაგვიანების გამო.**  
 რადბანაც იმ ხანში, როდესაც ჩვენი პეტარდები იბეჭდებოდა, მიმბაძველნი გამოგვიჩინდნენ და ბევრგან (მაგ. სემინარიაში, მეორე გიმნაზიაში, ქუჩებში და სხ.) „ოხრათ“ დაიწყეს პეტარდების ფათქა-ფუთქი,—ჩვენ სიფრთხილე გვიკარნახებდა შევჩერებულიყავით, რომ მთავრობას არ ეფიქრა რამე გვარად ჩვენი დამოკიდებულება აღნიშნულ პეტარდებთან და იჭვი არ შემოეტანა ჩვენ „ბლალონადიოვნობაზედ“, მით უმეტეს, რომ ჩვენმა ბატონ-პატრონმა—მეფეოვამაც აღარ გვადირსა იმის შემდეგ მოწყალების თვალთ, თუმცა ბევრი ვარწმუნე და ვებწვეე გამოყოლოდა რუსთა პატრიოტულ ბოროდცევის სამისიონერო სამლოცველოში, სადაც ვაპირებდი ფიცით დამერწმუნებინა ჩემს უქვეშევრდომ ბრძანებათა უმწიკვლობაში, მაგრამ ვინაიდგან ამ ჩვენი დროის ბატონს გული ვერაფრით მოუღბე, იძულებული ვიყავით ბინა გამოგვეცვალა და ისრე გაგვეგრძელებინა ჩვენი უმადური საქმე.

თუმცა ამიერიდგან ვადვიარებთ და ვფიცავთ ტიმოშკინ-პურიშვეიჩი-გოროდცევის თავ-კისერს, რომ ვიქნებით კურდღელივით ფრთხილი, თ.-აზ. მორჩილ-პატივისმცემელი და ამის იქით, გარეშე-უტაცებზედ ერთ სიტყვასაც აღარ ამოვიღებთ და, ჩვენებურ ეს-დეკებივით, მხოლოდ შინაურებზედვე მივიტანთ იერიშს.

როგორც ვმბლენა სიფრთხილისა, ამას იქით, პეტარდების დასაწყისში, დახატული იქნება ხოლმე მკითხველის გამაფრთხილებელი სურათი, რომ ყოველთვის ახსოვდეს და ფორთოხლებსაც, როგორც პეტარდებს, წინ დახედულად მოექცეს, რომ, გინ იცის, „ემშაკს თვალი არ უჩანს“ და შეიძლება ფორთოხალმაც იფეთქოს...

ჩვენ **გაზ. „ნიშადურის“ თანამშრომელს, ბ. ხეობელს** თურმე ანდერძი დაუმზადებია. ორი შეკმაზული ცხენი დღე და ღამ მიბმული ჰყავს თავის ბინაზედ და თითონაც, ღამეობით, ტანისამოსიანი, კურდღელივით ფრთხილ ძილს ატარებს. ჩვენ შორის დარჩეს და, ან კია, მკითხველო, იმაზედ! უხრიკავი საქმე სახრიკავად რად გაიხადა!?. განა ჩვენ შორის ცოტა ხედავს სიმართლის და ჭეშმარიტების ფეხით გაქვლვას, უგვანო მოქმედებას კაცო-ჰამიებისას, რომლებიც, ჭკვეყნის მხსნელის სახელით, კისერზედ მოსჯდომია და წურბელასავით სწუწნის მშრომელ ხალხს; განა სხვამ კი არ იცის, რომ ადამიანი პირუტყვს არ უნდა ემგზავსებოდეს, რომ, კუჭის და ეგოისტურ ყინის გარდა, უნდა მუდამ ახსოვდეს მაღალი და სპეტაკი ზნეობრივი პრინციპები!?. ბევრმა იცის, ბევრმა, მამრამ უმრავლესობა ბარინდებულთა თავ-თავიანთი სორობში ჩამძვრალი, დაბალის ხმით რალასაც ბურტყუნობს და ძლიერთა ლაქუცობა მლიქვნელობაში ჰპოვებს „მყუდრო და ბანცბრმილ კეთილდღეობას!.. თო-

რემ, მამა ცხონებულს, არა მკითხე მოაბესულო, ჩამოვლია სოფელ-სოფელ და მოჰყოლია: „ამან ეს სოფელი აიკლო, იმან იმ გლეხებს ტყავი ბააძრო, ამან კიდევ იმას ნამუსი ახადა“ და რა სისაძაგლე გინდა რომ იმან არ გამოამხურა! მერმე რა შენი საქმეა, შეილო, ძმაო! ან იქნება შენ-მიერ აღნუსხულ ბოროტ მოქმედებას მოითხოვს დიდებული მოძღვრება პროლეტარიატისა, რომ დაგვიახლოვოს სოციალიზმი და ეს შენს „ბურჟუაზიულ პსიხიკას“ ვერ შეუგნია?! მახლას!..

მკითხველს ეხსომება, რომ, ამას წინად, **ქაჯ-ემშაკთა საზღუდარში**,... უკაცრავად გაზ. „ემშაკის მათრახში“ მოვთავსებინათ კარიკატურა, სადაც გამოხატული იყო მღვდლებლალაჩინები, რომელთაც დიდი ალიაქოთი ჰქონდათ სამსხვერპლო პირუტყვებიდგან აღებულ თავ-ფეხებ-ტყავების გაყოფაში. რომორც დანამდვილებით შევიტყვეთ, ზოგიერთ „აფხანიკებს“ პროტესტი გამოუტყდადებიათ აღნიშნულ რედაქციისთვის, რომ, როგორც ია ეკალაქმე და სხვებმაც ჭეშმარიტად აღნიშნეს, ბორის მახრაში, აღნიშნულ გაყოფა-ბანაწილებაში ჩვენც ჯეროვანი წილი გვედო და სამართლიანობა მოითხოვდა იმ სურათში უქველად ჩვენც ვყოფილყავით გამოჰკომულიო. ამის ბამო „ემშაკის მათრახსაც“ უთხოვინა მხატვარ შემრლინგისთვის, დააკაყოფილოს „აფხანიკების“ მოთხოვნა და იმითი ფართოეთებიც ჩახატოს დასახელებულ „სულიერ მამათა“ შორის...

◆ **ივ. გომართლის ახალი პიესა „ჯაშუში“** წარმოსადგენად მთავრობას ნება არ დაურთავს იმ ჭეშმარიტ მოსახრებით, რომ უმაგისოთაც ყოველდღიურ ცხოვრებაში, თითქმის ყველა ჯაშუშობსო, თავიც კი მოგვაბებურეს და სცენაზედ იმდენი ინტერესი აღარ ექმნებაო...

◆ **ქართულ გიმნაზიის მერვე კლასის მოწაფეებს**, სადაც ჯერ-არს, მოთხოვნილება წარუდგენიათ, რომ ახლო ხანში ერთი საქველმოქმედო წარმოდგენა კიდევ ბამართეთ ჩვენ სასარგებლოდაო, რადბანაც ბულწრფელად მოწადინებული ვართ, ეგზემენების დაწყებამდე, ერთი კიდევ ლაზათიანათ ვიქეიფოთ და ისრე გამოვძვრეთ, რომ კამეჩები-მღვდლებად მოგვეჩვენოსო... ჩვენც ჩვენის მხრით ბუნებრივად და შეწყნარების ღირსად ვსთვლით აღნიშნულ მოთხოვნას. განა ისინი თავიანთ მშობოების შეილები არ არიან და ბანა იმათ ქვის გული უდევთ, როცა ხედავენ: გიმნაზია იმ „შეჩვენებულ ვერის ბაღებს“ გადაჰყურებს, მერმე ამ გაზაფხულზედ, როდესაც ბუნებასაც კვლუსად გაღულელია მოქარგული გულ-მკერდი,—რა დროს სწავლაა, რა დროს მაცადინობაა!.. ესლა ერთი ლაზათიანად დვინით თავი უნდა გაიბრუო, გადევნო ამხანაგებს, ღერბიანი ქული ან კისერზედ, ან მარცხენა ყურისკენ გადიფხაკო. წინ მკვენსარე დუღუკიან არღანი გაიმძღვანო და... „ბანი, განი!.. ნოემ რომ ერთხე...ე...ლ ი ი ნ ე გ ა ა!..

◆ **ჩვენი ქალაქის მამებს**, ამას წინად, გვარიან აბრუნდი მოუვიდათ: აგერ ერთი წელიწადია ერთავად ჰპირდებოდნენ და დაიმედებულიც ჰყავდათ ბეთთალი ბ-ი ს. ან-მეტელო-შვილი, რომ დაცული ბეთთლის ადგილზედ თქვენს მეტი კანდიდატი არა გვეყავსო. თურმე „მამების“ ურა-უმრავლესობა იმ მოსახრებით ხელმძღვანელობდა, რომ დასახელებული პირი ანმეტელიანცი თუ არა, ანმეტელოვი მაინც ვგონა, მამრამ როცა ბაიგეს „საქმის ნამდვილი გარემოება“ და რადგანაც თავიანთებიდგან ბეთთლები არ მოექმნებათ,—თურმე ბეთთალი რუსეთიდან დეპეშით დაუბარებიათ... ეს ის ვაუბატონები განხლავან, რომლებიც „ოფიციალურად“ „მშობა-ერთობა, ერების თანასწორობაზედ“ გაიძახიან და ფარულად მოხერხებულად გაჰყავთ თავიანთი უგვანო „პოლიტიკა“...



ვუაღვნი დამავოგთ — უხუცესს ახნაურ „ანს“.

უცოდველი რომის პაპი,  
 მაგრამ მრუდე სულით, ენით,  
 საქართველოს მოეფლინა  
 წმინდა ბურსის ზედ გავლენით!  
 ხალხის ფულით გაემგზავრა,  
 მოიყნოსა გერმანია,  
 „მეცნიერად“ დაგვიბრუნდა  
 დიდი და ბრძენი ანია!

შექმნა სკოლა სიყალბისა,  
 უშვერობა გაავრცელა,  
 ახალ სწავლად გაასალა  
 დოგმატური კონკის ძველა!..

საფეხურით საფეხურზე  
 აცოცდა და გაიბერა;—  
 ალბად დიდი ვინმე ვარო—  
 ეს მან თითონ დაიჯერა!..

პროლეტართა სახელითა  
 გაბატონდა დიქტატორი  
 და გლეხებსაც კი დაგვრია  
 გამურული ქარხნის ტორი!..

დაფუჯვრეთ, ჩვენც გავყევით,  
 მაგრამ, ვხედავ, მოგვატყუა;—  
 აი თურმე როგორა სჭრის  
 მოურკალავ თავის ქკუა!—

ჩვენ ვუნდოდით თურმე რაზმათ,  
 რომ იქ ნოქრებს გაემარჯვათ  
 და საბრალო გლეხი უფრო  
 შეებორკათ, შეეჯაჭვათ!..

თავის ვარდა, ყველა სხვანი  
 დაგვისახა ხალხის მტრებად,—  
 რომ სხვა არვინ შექრილიყო  
 ჩვენში ფულის შესაკრებად!..

ველიკოროს-შოვინისტურ  
 კუქ-მეისტერ-საქმე-ხრიკა—  
 შერცხვეს მასთან წმინდა რუსის  
 „ქეშმარიტი“ პოლიტიკა!..

ცენტრალისტურ მისწრაფებას  
 აწარმოებს ლეგალურად;  
 „დაჰკა სხვებსო!“—გაიძახის  
 დიქტატორულ-გენერლურად!..

მისწრაფება რუსული აქვს,  
 აზროვნება—ბუშმენური.

„როცა მე გქამ—ეს კარგია,  
 და როცა შენ—უზნეური!..“

კმარა ველარ მოგვატყუებთ,  
 შე საბრალო არამზადა!  
 ჩვენში ბურსამ შენისთანა  
 სხეაც ხომ ბევრი გამოზარდა!..

განდიდების სენს უპყობს  
 იმითა ხართ მძიმე ავად!  
 დემაგოგთა უხუცესო,  
 ნუ ბლუყუნობთ საცოდავად!..  
 რაც გვატყუეთ—ის იკმარეთ,  
 რაც აგვაძრეთ ზურგზე ტყავი!  
 აწ კი—ნურას უკაცრავად,  
 თუ დავიცოთ ჩვენი თავი!..

გლეხი.

უ ჯ ი ზ ო ნ ი

ოსურს ცხენს თუ დაამქლევებ  
 ჩაგიწვება ლაფში, მოგსვრის,  
 თუ გასუქდა, გათამამდა?—  
 ან გიკბენს ან წიხლსა გესვრის...  
 ბედაური მერანი კი  
 არ გიღალატებს არას დროს,  
 დავალებას აგისრულებს,  
 თუნდა ტყვიამაც განგმიროს!..

აბა მითხარით, უჯიშო  
 გამოსადეგი რაშია?  
 ვინ იტყვის რომ დიდ ყურა ვირს  
 არა სჯობნიდეს რაშია?!

ზოგი ერთი ჩვენში ცხოვრობს  
 მყრალი, ურცხვი და ვერაგი,  
 მღვრივე წყალსაც წაულია  
 ვინც არ არის სხვისი მარგი!

ე...მ...

№-ს

გეფიცები ეგ სიტურფე  
 თვით ვენერას შეშურდება,  
 ოცნება ხარ ხორც შესხმული  
 და ციური ნეტარება.

სულს ღიბლავს და გულს ატყვევებს  
 შენი ღიმი ზეციური,  
 ხატება ხარ სიტურფისა  
 და სამოთხე ქვეყნიური.  
 მაშ გისურვებ, ეგ სიტურფე  
 შესაფერათ მოიხმარო,  
 იყო სათნო და უმანკო,  
 ვით კამკამა მთისა წყარო!..

ვერტერ.





ქართვ. დეკლარაციის სიმღერა

ბურჟუას ნადიმზე.

სწავლა-წრთენაზედ სჯით-ბაასობთ?.. გეთ. ნბ-  
მებით თქვენო,  
რასაც კი გამოიმეტებთ ისიც გვეკმარის ჩვენო.  
რას მიქვიან სხვა ერები, მათი ენებიო  
„ოსმალურად“ გაიწათნენ მარად მონებიო.  
მამა ჩემი მუდამ ჟამად მასწივლიდა მეო:  
„კაცად თუ გინდა განდობა“, ყური მიგდე მეო,  
„ოსმალური“ შესწავლითა უნდა გამაგრდეთ  
სამშობლო ენა რად გინდა, გარედ გააგდეთ!..  
რა იცოდა მამაჩემმა, თუ მის პირითაო,  
სიბრძნე იყო წარმოთქმული მარქსის კეუისაო!..  
მხოლოდ ერთს კი გეხვეწებით, „ბატონო“ და  
მზენო,

მუნჯურ მეთოდს ნუ ინებებთ, ყოვლიდ მოწყალენო:  
ბავშვები რომ კატებივით კნავილს ასტეხენო,  
მე ნერვები ამეშლება, გულსაც მატკენენო.  
ისევ-ისევ ძველებურად „თათრულად“ სწრთვენითო  
რაცა ჰქონდეთ ეროვნული, ყველა წაართვითო  
ამას ითხოვს „ძირითადი“ „ჩვენი“ პროგრამაო,  
გვედრებით კვერი დაჰკრას სათათბირომაო.—

დროებით ბათუმელი.

ვუძღვნი მეჭორეს

ცილს ნუ სწამებ ტოლს, ამხანაგს,  
ნუ შელახავ სხვის სახელსა;  
რაც რომ შენთვის აღარ გინდა,  
მას ნუ უზამ მეზობელსა.  
გაზომე და ისე გასკერ,  
ამას ითხოვს სალი კკუა.  
ვინცა ჩქარობს და აღარ თმობს,  
ის ყოველთვის სცდება, სტყუა.  
სხვისი ქირი ქირათ გიჩნდეს,  
ლხინშიც იყავ მონაწილე.  
თუკი შესძლო, ადამიანს  
მწუხარება ააცილე.  
ვაი მას და უიც იმას,  
ვინც შებღალოს მართლის პირი;  
თანაუგრძნოს დასჯილსა და,  
არ იტვირთოს მოძმის ქირი.

კორტონა.

ბურჟუას ნადიმს დავესწარ,  
ღვინო და თაფლი სღიანო,  
ლიბ-სავსე კურატ-ვაჭრები  
ალავერდს გადადიანო;  
დემოკრატობენ ყველანი—  
დროების წეს-რიგს სცვიანო;  
სამშობლოს მრავალ-ჟამიერს  
ბოხ ხმაზე გასძახიანო!  
მათი ცოლები იატაკს  
კაბების კუდით ჰგვიანო,  
გულ-მკერდ ტიტველნი ევანი  
მატურად ირხევიანო!..  
რუსულად პრაშტი-პრუშტობენ,  
მტლამა-მტლუშს გადადიანო...  
ტანცი-მანცია გამართეს—  
კულტურაც ამას ჰქვიანო!  
ჩაუთამაშეს ბაქარა,  
ასიგნაცს ჩამოდიანო:  
„დაჰკარ, გასკერი, ჩამოდი!  
აბა არ დაიგვიანო!“  
ამბობენ, ასეთ ნადიმებს  
თურმე ხშირ-ხშირად ქმნიანო!  
იმაზე განა ვინ ფიქრობს,  
თუ სადმე ვინმეს შიანო...  
დახოცილ მებრძოლთ საოხად  
ამ „ქელესს“ გადხდიანო!..  
სამშობლო ქვეყნის ვარაშე  
როიანს დაუკვრიანო:  
ქალ-კაცი გაცვლა-გამოცვლით  
აუარ-ჩაუვლიანო!..  
დავესწარ,—ბერი-ქედანი  
ბოლოში მომიგდიანო,  
ან ვინ შემიშვა მე იქა,  
სად ბურჟუები ზიანო?  
ახია ჩემზე, კვლავისთვის  
რომ თავი მოვიქვიანო?  
ერთი ვთქვი, სულთ ცოდვილო,  
რა ბევრი გავაჰიანო,—  
„წვეთები ნიშადურისა  
მაგიერს გაღუხდიანო!..“

გლენი.





უშიშრად ანდობს—არ ეფიქრება  
ია ცელქ ნიავს წმინდა ფიქრებსა,  
ობრავს,—არ იცის, როგორ მოქცე  
შეყვარებულთა, ჩვენებრ ტოლებსა!..

ა. შ—ლი.



საზნის ბუშტი ვერცხლის მოყვარ.

**ნადსონიდან**

(ახალ საფლავზე)

ისევ დავობლდი... მკაცრი ტანჯვები  
ჩამოაფრინდნენ გულსა მშფოთარეს;  
ეკლის ფოთლებით გარემოცული  
ცრემლად ვადნები ახალ სამარეს.  
რალას მაქნია ხმელი სიცოცხლის  
უაზრო ღელვა, ობლად მდგომარეს?!.  
სატრფოს სიკვდილი მეცა მეძახის  
საიღუმლოსა ქვესკნეთის მხარეს!

ი. მჭედლიშვილი.

(გუძღენი X-ს)

თვალი ვერ გხედავს. . მაგრამ, ლამაზო,  
თავს გველებიან ჩემი ფიქრები. .  
ნუ, ნუ შემიწყვეტთ ოცნების ძაფებს!  
იმედის სხივო, ნუ ჩამიქრები!..

მე სულ არ ვიცნობ შენ აზრთა კიდეს...  
გრძნობა წარმტაცა, არა გონება,  
შენმა გარეგან სიმშვენიერემ—  
ობოლი გულიც მას ემონება!..

თვალი ვერ გხედავს... მხოლოდ ლამაზო,  
ვლარაჯობს გრძნობა, ჩემი ფიქრები...  
შენ შემოგწირავ მე სიქალწულეს  
და მხოლოდ-მარტო შენი ვიქნები!—

ბაბ.—ი.

**ო. ბოგოლიუბოვიდან.**

საბრალო მხარევ, როს გელირსება  
დრო სანეტარო, ცხოვრება ტკბილი?  
როდის იქნება, რომ კვლავ აღსდგები  
თავისუფლების ცეცხლით ანთილი.

ეგერ ელვარებს თავისუფლება...  
როდის იქნება გაახელ თვალებს?  
როდის იქნება შენი არწიენი  
გაუსხლტდებიან რკინის გალიებს?

მიტევებისა დრონი წავიდნენ;  
კვლავ მოთმინება—დაქანგულ ხლომებსა;  
მაშ, ვაშა იმ ხალხს, რომელმაც უყო  
სამაგიერო ბილწ ჯალათებსა.

**შელილიდან**

ტურფავ, გამომეც ტყისა სიღრმისკენ,  
იქ მკრთალი ბინდი ჰფარავს არესა;  
მშვენიერ ტუჩებს იქ დაგიკოცნი  
იქ შევაწებებთ გულს ერთმანერთსა!

**პროპინცია.**

თელავი (ყბად აღებული წყალ წადებული).  
გატიალდა ესლანდელი დროება: ზიხარ სახლში, შესტკე-  
რი ცას და დედამიწას, მდინარს, ღარბის, . . . და შენც  
იცხოვრო, კინდა მშვიერი არ მოკვდე და კრავებრი-კი  
მოკახეხეხება! რას იზამ? ხელობას გასაყელი არა აქვს,  
ვეკლგან უფულებანიობაა. ჩამცივება დედაჩემი—სუდში  
და ნატარაუსში იარე, იახლავატე და ობერ აფიცრის  
შვილ ანტონფვისავით გამდიდრებიო. მე უარზე შევდექ  
გავჯიუტდი. ბოდოს და ბოდოს გაჭირვებულმა ტუდ-

მშალაობით ვიკისრე ჩემდა სამარცხვინოდ მკითხაობა. ოხ, ღმერთო ჩემო, რამდენი ტუტუტი გამჩნდა ქვეყანაზე!.. აქადა ახალმოდის მკითხველიაო სულ უგულა მუ მამაწყდა—ბებერი, ჯგელი, ვაჟი, ქალი, სოფლაკარი, ღარიბი, ჯგუფიანი. ზარტიანი... ფული? ფულიც ჩხრიალით მამდის; ზურბ-შოთებით ხომ კიდობანი ავაფსუ და ჩამაქნილ სამთელებით დღე და დამ ზურბურია ჩემ ოთახში.

დღეს მას მარტისას, წვიმიანსა, თოვლიანსა, თბილიანსა, უინვიანსა, მზიანსა, ღრუბლიანსა, მქუხარესა, მწუხარესა ასტედა ქ. თელავში საშინელი ზარბის რეკა. რეკენ თელეთს, რეკენ ძველ კალაფანში, რეკენ სობორბში. რა ამავია, არ იტყვიო?! თურმე ჩემი ჩემად იქ მიზარვა გაუციათ! ვეღანნი ჩემკენ მობიანი, ბინის კარ-მიღამოზე ტეკა აღარ არის, ერთმანეთს აღარ აცდიან—ჩქარობენ ჩემკენ თავიანთი ბედნიერება და უბედურება შეიტყონ. ახლა მეც რა ბიჭი ვარ ზეტიკო! ვობინძები ორად, ვყოფლობინობ, უზუნაეს ბუნებას ველაზარაკები. კარის კაცი რიგრიგისად უშვებენ მობილეთ ჩემს ოთახში.

შემოვიდა № 1. თავი დამიკრა. საფულედან ლურჯი ამოძვრინა, წინ დამიდო. ცოტა ხველების შემდეგ დაიწყო: „მე კახლავარ ცნობილი იარაღაო (ჩხორელი), ბევრჯელ ფულეო წამართვეს, ბევრჯელ სიკვდილსაც მიქადდენ, ავდექ და სოც.-დ. ტელხარნიტელები ვიყიდე, იმათ ჩრდილს ქვეშ დიდხანს ვიცხორე მოსვენებით, ახლა ფული შემომელია და დავითხოვე; ძველმა ფულის ჯიბისტეპმა ისევ მომიგონეს და მათ შიშის და ზარ ქვეშ ცოცხალ-მკვდარი ძლივს და დავად. მიკითხე, გეთაყვა, ჩემს თავს რა იქნება?“

სარკეში ჩავიხედე, ძაფები დავგრინ-დავკვანძე, ვახსენე სურთ-კარაზეტა, სურთ-სარქისა გურქითურთ, ვეღლა კოჭლი მიდღისები.. მომეჩვენა სურთ-ელიშე და ჩამომძახა: „თუ თელავის სამკითხველ-ბიბლიოთეკას 500 მან. შესწირავენ ჩხორელი და არტემა ნაზიაშვილი, მაშინ ეშმაკ-ქაჯებიც ვეღარ მიუღებინ მათ“. დიდის ზმორება კვლანჭით კარდავეცი ეს გამოცხადება ზენასი და შესრულება ახლა იმათა ნებას.


№ 2. შემოდის ბებერი. შემოაქვს ზურები და ნიშანი—ზატარა ბრომიურკა კარანდაშით ნიშნებ გაკეთებული—მიწყობს წინ. შეიღო, გენაცვალეს ჩემი თავი! ჩვეთან ერთი გასათხოვარი ქალ-მასწავლებელი №—ძე იდგა. თელავში ახალთაობას უფროსად „ქოროლი“ მოუვიდათ. ამ მოხსენებულმა ზიკებმა ერთმანეთთან კავშირი გამართეს. ქოროლი ეფიცებოდა უცოდო ვარო და თანაც უქებდა რადაც სამოქალაქო ქორწინებას. ამოცხადებდა საწყალი ქალი ორსული შეიქნა—ქოროლის თანაც კასის ჭბარებოდა (ამობენ, თორემ მეკი არ მინახავს), გამოეცხიკა ისიც და განარულიყო. საწყალმა ქალმა ქოროლის ცოლშვილიანობა მერე შეიტყო; შერც-

ხვენილმა და ნამუსს ახდილმა აიღო თავი და სადღაც გადაიკარგა. მაგონდება, შეიღო, ის ქალი მოხარულია და ვიუაგ—მეწვის მისთვის გული, ხან კიდევ მეტორება, მოსვენება აღარ მაქვს, ვარ ერთ დარდას და ჯავრში და ამ ზურებსა და წიგნზე შემიტეე ნეტა იმათ თავს რა ამავია. ქვეყანა და ნაცნობობა სულ მე მკითხებთან.

გუმიოთხვე: ბანქოს ქადაგლები ავადბუნ-დავადბუნე, თვალეოი კადმოგვარკლე, ბევრისგან ბევრი ვაწვალე და ამავი ვარ ამოგუკითხე. გავსწავლე ივ. გომართელთან. ვუთხარ: „ის ისეთი კაცი, რომ ებისკოპოსებს და ქ-ნ №—ბის ამავსაც ის უფრო კარგათ შეგიტყობს თქვა: „ის მე არას მეტყვის, შეიღო,—ზირიქით დაჭმალაასვს“.

№ 3. შემოვიდა ტაბლებით გასუქებული ტერტრის. საშინლად აშფოთებულია, სახეზე აღმური ახდის, ხმა მადლა ვვირის, შუბლზე ოფლს იწურავს, ცხრა ნესტოთი ქმინავს. არიქა, ამხანაგო და თქვენო ბრწყინვალებაც, მიშველე რამე, ჩქარა შემიტეეთ—ეს აღელვებული ხალხი ამ „შეორსულეებულთ“ კასის გამო მომკლავს, თუ არა? თანაც ჯიბიდან ეკატრინკა ამოაბრძანა და დამიდო წინ. მე თვალეოი გამიქანდა-გამომიქანდა. კახარებულმა ჩქარვე ზასუხი მივარტეო: „ნუ გეშინათ, ქართველები „ვარცები“ არიან, ზირველში შემოგიტევენ, მერე დაიფანტებიან, ვეღლაფერი მიავიწყლებათ, შენ შიკა და შიკო სომხები დაქრთამე და ნაუგლეოი სულ მთლად შენვე შეგჩეება და ასე გასინჯე ხელსაც კა არავინ შეგახებს, არამც თუ მოგკლან“. ტერტრის სიხარულით ცას დაეწია, შესტა-შეითამაშა და „ზოდენზანიეს“ მაგვარად გაცუნდრუკა ტელახში.

№ 4. შემოვიდნენ: ვარინკა, კეკე, ტასო და მამა. ერთმანეთს აღარ აცდიან. დადღილან: მარცხს ხშირად ხმარობენ. თითო მანეთიანებს ჩამოდიან. მკითხეობიანი: „მას შემდეგ, რაც ჩვენ ბუღვარში ჭორის ბოდ. ჩა დავკარგეთ. თელავის ქალები სულ მუდამ მოწყენილად ვართ. ვეღანნი ჩვენ მოკვდომიან—ჩქარა გვიზოვეთ და ისევ მოკვითხეთო. გვიშველეთ რამე, გეთაყვა! გავვიკეთ სად არის ჩვენი ბოდჩა ჭორისა?... დავიწყე მკითხაობა. საქმე ძალზედ გამიჭირდა. ბოდჩის ბელზეულთა დხმარებოთა და წყალობით ტარტაროზისათა შეგიტეე და მოვასხენე ქალებს, რომ მათი ჭორის ბოდჩა გაუცხადებია ბუღვარიდან უსაქმო ახალგაზდას, ხელობით ნამასწავლებლს, ბევრგან უწყაილებას და ბოდჩის ს. მ—ში ერთ შეძლებულ კაცის დიდ ეზოში გადუგდია. მათ კიდევ წყაროზე აუტანიათ, იქ დედაკაცებს გაუხსნიათ და შესდგომიათ ერთი ადტარება-სიხარული. შეუტევიან მამასხდისს, სულ მთლად აუკრეფინა და ნიშნად ერთგულობისა ლაპორტით ბოქაულისთავის მიუტანია და ესლა იმის ხელში; თუ მიაშურებთ უკანვე დაიბრუნებთ—დავუმატე.“



ამის გაგანებაზე ქალები ახტდნენ, დახტდნენ, აკასკასდნენ, აფუოდნენ: „შენი ჭირიშე გვპოველა, ვი-  
ზოვეთ!! და გაცვიფდნენ.

№ 5. შემოვიდნენ მსუქანი სომხები—მ. და ს.  
მესვეწებიან: უვარელში წასვლა გვინდა, თამასუქებს ვა-  
და გასდით, ფულებს არიან ქართველი გლეხები მისა-  
ცემს. ვერა ვბუღათ, გვემინიან გზაში და—წავიდეთ  
თუ არა?

გუმბათსავე და ხსენებითა სუფ-არდენ დაშნაკა-  
კანისათა ცხად შეიქმნა, რამ ბ. კასაშვილის დიდიჯანი  
გაიწარცხებოდა მ. ხაჯერ, ბ. მეტრეველსა—ეჭვსჯერ. კერ-  
ძო ეტლები: რა-არჯულ, ხოლო ისე მკზაუნანი—თი-  
თოჯერ. ასეთი ბუდი ექნებოთ შაქრისა-ისკენ პირ-გამბ-  
რუნებულთ—ხიდა ვერ გასცდებიან და ახლა თქვენ გინდ  
წაბძანდით და გინდ არა!.. აღმინისტრანია ბუხსაც კი  
ვერას აუფრენს.

ამის შემდეგ დავისუქნე, მეტი შეითხარბით კინა-  
დამ ისტრეკა მამსდიოდა. აველ კლუბში. ხალგათობას.  
კუნტულში ბ. დავიწუებული მე-713 კორესმზნდრეცის  
ამხადებს „ამირანისთვის“ კასების შესახებ. ბორნეოზე  
ახალ მამსდარ მზავსაც კი სწერს და ჩემი კი არა გა-  
კო რა ჯერ. ცალ კუნტულში მიმჯდა რა ნაირ-ნაირ სსკ-  
მელებით ატრელებულ სტოლთან ჩვენი ღაფრენტი მუც-  
ლითა თვისითა და ღვინით შევადებულე მდერის აზი-  
ურ გარმონით სსსანდრულად დაკრულის ხმაზე:

ტარა უდი ხალა ჯუხი,  
ფილა აჩი სხლა ეუხი;  
ისდა ადი ნარა ბაფი,  
ქელა უჩი ქალა ტაფი,  
ჯილა ადი ხელა ფუჭი,  
სიკმან ჯანი ბუდა ბუჭი!..  
ფისტურ ფაი ქელა ქუი,  
ფატან ბაი წელა ღუი.  
ქენტთა ვაზირ ყაფირდა  
იშლა აზირ ბაღდირბასას...

ჯერ უური დაუგდე, შემდეგ წამსქდა სიცილი, წა-  
მთხარხარა დავიწუებულმაც და ხითითით მფეკვდებო-  
დი, რამ ჩემი მანსხლები არ შემოსულიყო.

— საბუედან მთხ ცხ. ნიანი ეტლი მფეკვრთათ და  
თთ. ჯორჯაძეები გიწვევენ ამ პრანნიკ ბში. აი ბა-  
რათიც.

რას ვიზამდი? ცოტა მეც მესიამოფნა და კიბუზე  
უმად ჩაველ.

გავაზური ღმელფი.



ჯმრ ხანად.

ამ უკანასკნელი ორი კვირის განმავლობაში ჩვენმა თავზე ხელ აღებულმა მოკამათებმა და ურც-  
ხვად გალაღებულმა ანტოგონისტებმა ნამდვილის  
სამკვედრო-სასიცოცხლო იერიშით შემოგვიტიეს,  
ჩვეულებრივის პირახეულის უდიერობით და დაბახა-  
ნურის უწმაწურობით გავვიკლავდნენ.

გაზ: „დასაწყისის“ ნაბოლარები, „მერცხალის“  
ქია-ლუა იაღონები, „ეშაკის ტალახის“ ვირ—ეშ-  
მაკები „Наша жизнь“-ის ანბანები და განდონე-  
ბი, „Тифлис. свисток“-ის ლაქიები და ბაქიები  
და მრავალნი ქუჩის ბიჭ-ბუჭები და ქონდრის კაცე-  
ბი ამხედრდნენ „სასტიკ ბრძოლისათვის“ და...  
გვლანძღვენ, გვთათხავენ, გვეკორავენ...

ჩვენ, რა თქმა უნდა, არც ერთს იმათს წი-  
ნადადებამ უზასუხოდ არ დავტოვეთ, მაგრამ...  
მაგარი ის არის, რომ ჯერ ხანად, ამ საბედნიერ-  
დღეოდ მაინც, ხმას არ გავცემთ; რადგან წინდახე-  
დულად და საფუძვლიანად გვერიდება ჰაერის მო-  
წამელა და აყროლება...

ის აყროლებული ქუჭყი და აშმორებული  
ხუხულები,—რომელნიც ჩვენს წინააღმდეგ აღმარ-  
თეს და რომლებშიაც თავი შეაფარეს, ვით მიუვალ  
კოშკებში, ამ ჩვენ „მებრძოლთ“,—ისეთის თვისე-  
ბისაა რომ ოდნავ ხელის შეხება და მიკარებაც კი  
ჰაერს მოშხამს და მოსწამლავს...

ცარიელი, ლიტონი სიტყვებით სხაპასხუპი  
და რახა-რუხი „ესდევების“ ჩვეულებრივი და ნა-  
ცადი ხელობაა. ჩვენ, რა თქმა უნდა, მათ არ წავებამათ.  
ჩვენ ფაქტებს ავალაპარაკებთ, რადგან, პისარევისა  
არ იყოს, „Слова и иллюзии пропадают, а фак-  
ты остаются“.

რაც შეეხება ესდევურ საპოლემიკო ლექსი-  
კონს, ის ჩვენ მუდამ გვეთაკილებოდა, არა რო-  
გორც ჩვენი შეურაცხყოფელი, არამედ როგორც  
თვით ამ ლექსიკონის მხმარებლის შემარცხვენიელი  
და თავზე ლაფ-დამსამელი...

ხოლო ისეთი სახელწოდება, როგორც მაგ. შავ-  
რაზმელი. პროვოკატორი და სხვა, თქვენც კარ-  
გად უწყით, რომ თქვენთანებს უფრო მოუხდება,  
რადგან რაზმელებიც ბევრი გყავთ, პროვოკატორე-  
ბიც, ჯაშუშებიც და შანტაჟისტებიც...

ყოველ შემთხვევაში ერთი გამოჩენილი ფრან-  
გისა არ იყოს: „თქვენი ცილის წამების სიმალღე  
ვერას დროს ვერ მოაღწევს ჩვენის ზიზლის  
აფეხურამდე“.

რედაქ.

„მაღბრუკის გალაშქრება“

დონკიხოტის სანჩო-პანჩო



დიდი მზადებისა და მოწოდების შემდეგ იმი გამოცხადდა...



ნუ შერიდები.

ნუ, ნუ მარიდებ მაგ ტურფა სახეს, თვალეში გიკრთის სხივი ნათელი; შავი გიშრის თმა ყელს დაგთამაშებს თან აჩრდილს გფარავს სევდა-ნაღველი.

როდესაც გიმხერ აგრე დაღვრემილს, არ მსურს გაგშორდე... მიტყვევებ გულსა; მაშინ თვალეში ამოიკითხავ ჩემს წრფელს გრძობასა და სიყვარულსა!

ცხადათ, თუ ძილში შენ ერთსა გხედავ, მთვარესა ჩრდილავ მკრთალ სხივოსანსა, ხან-კი მგონია ჩითომ გიღვარდე და მიმეხწინოს წმიდა მიზანსა!..

ა. შ - ლი.

განცხადებანი

გაოვიდა „ჯეჯილის“ უკანასკნელი ნომერი.

„განათლების“ მეორე ნომერი.

„ნაკადულის“ უკანასკნელი ნომრები.

„ყაზიბეგის ქალთა სკოლის“ სასარგებლოდ გაიმართება სეირნობა ლატარია-ალეგრით ტფილისის საბრანის საზაფხულო შენობაში ოთხშაბათს, 16 აპრილს.

არტიტიულ საზოგ. თეატრში საქშაბათს, 15 აპრილს ქართული დრ. დასის მიერ წარმოდგენილი იქნება „დამარცხებულნი“.

რედ.-გამომცემელი ვალერიან გუნია.